



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

~~2152~~

~~W. 2152/18~~

Ս. ԶԱԻՐԵԱՆ



13373

ՆԱԽԱԳԻԾ

ԳԻՒԴԱՅԻ ԱԶԳԱԲՆԱԿՈՒԹԵԱՆ ՏՆՏԵՍԱԿԱՆ ՎԻՃԱԿԻ

ՈՒՍՈՒՄՆԱՍԻՐՈՒԹԵԱՆ



1690

63
Զ-32

ԹԻՖԼԻՍ

12 APR 2013

14716

~~14716~~
63
2-32

15 APR 2009

04 AUG 2009

Ն Ա Խ Ա Գ Ի Ծ

ԳԻՒՂԱՅԻ ԱԶԳԱԲՆԱԿՈՒԹԵԱՆ ՏՆՏԵՍԱԿԱՆ ՎԻՃԱԿԻ ՈՒՍՈՒՄ-
ՆԱՍԻՐՈՒԹԵԱՆ.

Մի քանի խօսք

Երբեք, կարծում ենք, այնքան մենք չենք զգացել մեր տգի-
տութիւնը հողագործ գիւղացուն վերաբերեալ հարցերի նկատմամբ,
ինչքան ներկայումս: Զուրկ լինելով մեր անտեսական կեանքին
վերաբերող ամենատարրական տեղեկութիւններից, մենք անկա-
րող ենք կանգնել փաստական հողի վրայ այն հաղազիւտ գէպ-
քերում, երբ հասարակութիւնը միջամտում է գիւղացու կեանքում,
նրան ուէ օգնութիւն հասցնելու համար: Գիւղական կեանքին վե-
րաբերեալ ընդհանուր բարեփոխութիւններ ծրագրելիս՝ մենք ա-
կամայ հիմնում ենք մեր դատողութիւնները տեսական հողի վրայ,
ընդհանրացնում ենք Ռուսաստանին, Եւրոպային առանձնայատուկ
փաստերը:

Երկու դէպքումն էլ հետեանքները լինում են անբաւարար:
Անցեալում, երբ այլ և այլ առաջարկութիւնները պտտում
էին գլխաւորապէս «բարի ցանկութիւնների» շուրջը, ոչ-ճիշտ
փաստերի վրայ հիմնած ծրագիրները մնում էին անհետեանք,
գէթ չէին կարող հասցնել լուրջ փոփոխում:

Այլ է դրութիւնը ներկայումս, երբ բարենորոգչական գոյն
ուներցող առաջարկութիւններից շատերը իրականանալու են կեան-
քի մէջ:

Թէ աշխատաւոր դասի և թէ մեր երկրի առաջադիմութեան
շահերը ընդհանրապէս պահանջում են, որպէս զի մեր գիւղական
կեանքում մտցելիք փոփոխութիւնները հիմնած լինեն ճիշտ փաս-
տերի վրայ, բոլորն մեր կեանքի հասունացած պահանջներից:

Թ Ի Ֆ Լ Ի Ս

Տպարան «ՀԵՐՄԷՍ» Մաղաքեան փող. 5.

1906

(185)



1166-2009

Ահա այդ պահանջին գէթ փոքրիկ չափով բաւարարութիւն տալու համար է, որ կազմուած է այս նախագիծը՝ ԽՈՒՄԻՆԻ տես-
րակով տպագրուած հարցացուցակների հետ միասին:

Մենք համամիտ չենք բոլորովին, մեզ դիմողներից շատերի
հետ, որոնք կարծում են, թէ մի քանի գիւղ թուուցիկ կերպով
հարցուփորձի ենթարկելով, մի քանի շաբաթ գիւղերում պտտելով,
կարելի է քիչ-շատ լրիւ գաղափար կազմել մեր գիւղերի տնտեսա-
կան կեանքի մասին: Դա շատ աւելի բարդ և դժւար է, քան թէ
երևակայում են նոր սկսողները. դժւար է, մանաւանդ, կովկասում,
ուր աշխարհագրական, ազգագրական, կենցաղավարական և այլ
պայմանները ներկայացնում են այնքան բազմատեսակութիւն,
այնպիսի ինքնուրոյնութիւն:

Յամենայն դէպս՝ «լաւ է քիչ բան գիտենալ, քան թէ ոչ մի
բան», և մենք խորին կերպով համոզուած ենք, որ այն աշխատան-
քը, որ կը թափէ ամեն մէկը մեր գիւղական կեանքը սուսուսասի-
րելով, զուր չի անցնի ոչ աշխատաւոր գիւղացու տնտեսական կա-
ցութիւնը պարզելու և ոչ իրա՝ ուսումնասիրողի, աշխարհահայեաց-
քի լայնացման տեսակէտից:

Եթէ յաջողի ամփոփել և, մանաւանդ, դասաւորել այն տե-
ղեկութիւնները, որ կը հաւաքուեն մեր երկրի գանազան վայրերում,
համապատասխան ներքեում բերւած հարցացուցակների, կարելի
կը լինի կազմել մի ամփոփ—թէկուզ և մի քիչ աղօտ—գաղափար
մեր կեանքի ընդհանուր տնտեսական պայմանների մասին:

Վաղւայ մեր անելիք բարեփոխութիւնների նկատմամբ՝ դե-
կավարելով աւելի առաջադէմ երկիրների մշակած հայեցակէտ-
ներով, մենք, այնուամենայնիւ, յենւած կը լինենք մեր իրական
կեանքի պահանջների վրայ, կ'ունենանք անհրաժեշտ չափով թւեր
մեր առաջ գրւած կօնկրէտ հարցերին պատասխանելու համար:

Ոչ-պակաս գնահատելի կը լինի նիւթերի հաւաքումը և ի-
րենց՝ ուսումնասիրողների անհատական տեսակէտից: Համեմատա-
բար շատ կարճ ժամանակամիջոցում հետազոտողները ոչ միայն
ձեռք կը բերեն որոշ փորձառութիւն իրենց ապագայ աշխատանք-
ների համար, այլ և կեանքի մէջ կը տեսնեն շատ բաներ, որոնց
մասին առաջ երբէք չէին կասկածել, կը գտնեն բազմաթիւ կա-
պեր ու սերտ ներգաշնակութիւն առօրեայ երևոյթների ու նրանց
օհմանող պատճառների մէջ: Անցնելով գիւղից-գիւղ, դիմելով
հողագործից խաշնարածին, նրանք կը ձանաչեն մի քիչ մեր եր-
կիրը, յարգանքի և ակնածութեան զգացմունքով կը լցեն դէպի

այն անկիրթ գիւղացին, որը իր հոտառութեամբ ու դարերի ըն-
թացքում ձեռք բերած փորձառութեամբ՝ կարողացել է այդքան
թափանցել բնութեան գաղտնիքների խորքը: Վերջապէս, մօտիկից
ձանաչելով մեր ժողովուրդը, ուսումնասիրողները կ'իւրացնեն
մարդկային բարոյական հարստութեան մի նոր գոհար՝ կը սիրեն
—անկեղծ, անշահ սիրով կը սիրեն այն ժողովուրդը, որը ծնունդ
ու սնունդ է տւել մեզ, որը իր կուսցած ուսերի վրայ է տարել
մեր կեանքի ծանրութիւնը և, չը նայած պատմական ու հասա-
րակական դժոխային պայմանների, կարողացել է դեռ ևս իւր
տխուր ու խելօք աչքերում պահել այնքան ինքնավստահութիւն,
այնքան հաւատ ու լաւատեսութիւն դէպի երջանիկ և ազատ ա-
պագան ..

Գալով ուսումնասիրութեան ձեւին (մեթոդին), մենք դժւա-
բանում ենք կանգ առնել մինչև օրս գոյութիւն ունեցող և գոր-
ծադրող ձևերից ունէ մէկի վրայ: Եւրոպական պետութիւնները
իրենց հետաքրքրող հարցերի պատասխանը առնում են գլխաւորապէս
պարբերաբար կատարուող ժողովրդագրութիւնների միջոցաւ, երբ
ցուցակագրւում է ամբողջ ազգաբնակչութիւնը: Մի քիչ այլ ձև է գոր-
ծածում ներքին գործոց նախարարութիւնը Ռուսաստանում, ուր
բոլոր շինական վարչութիւններից պահանջւում են պատասխան-
ներ հողերի, անասունների, բերքի և այլ կարևոր հարցերի մասին:
Այս լայն մասսայական ձևը ոչ միայն ֆիզիկապէս դուրս է մեր
կարողութիւնից, այլ և տեղիք է տալիս լուրջ սխալների, քանի որ
ստացած պատասխանները դժւար է կօնտրոլի ենթարկել...

Չեմսովօնները Ռուսաստանում տասնեակ տարիներ ընթաց-
քում ժողովել են շատ գնահատելի և լրիւ տեղեկութիւններ յա-
տուկ ուսումնասիրողների, վիճակագրողների միջոցաւ, ենթարկե-
լով հարցուփորձի միլիօնաւոր ընտանիքներ, ուսումնասիրելով
հարիւրաւոր գաւառներ, տասնեակ հազար գիւղեր: Սակայն, այս
տեսակ ուսումնասիրութիւնը ևս վեր է մեր ուժերից՝ թէ պատ-
րաստւած ուսումնասիրողների և թէ պահանջւած դրամական մի-
ջոցների բացակայութեան պատճառով:

Ամերիկայի Միացեալ Նահանգների վիճակագրական բիւրօն,
ինչպէս և երկրագործական նախարարութիւնը Ռուսաստանում
տարւայ բերքին, ինչպէս և հիմնական վիճակագրութեան վերա-
քերեալ շատ հարցերի մասին տեղեկութիւնները ժողովում են գիւ-
ղում ապրող, օրինակելի տնտեսութիւն ունեցող և վստահութեան

արժանի անձերից, որոնք հաղորդում են տեղեկութիւններ իրենց կալւածքների մասին: Մակայն, օրինակելի տնտեսութիւնները շատ բարձր են միջակ տնտեսութիւններից և գաղափար չեն տալիս երկրի իսկական կացութեան մասին:

Մնում է մեզ կանգ առնել այլ ձևի վրայ: Այդ այն ձևն է, մեր կարծիքով նա, որպէս զի ուսումնասիրութիւնը կատարւի ոչ-մասսայական, այլ ընտրովի՝ տիպիկ միջակ գիւղերի և այդ գիւղերում գտնւած տիպիկ մի քանի ընտանիքների վերաբերմամբ: Յատուկ վիճակագրերի տեղ մենք յոյս ենք դնելու մեր այն գիւղերում կամ կարճ ժամանակով այցելութիւններ կատարող սակաւաթիւ ոյժերի վրայ, որոնք հետաքրքրում են տնտեսական հարցերով ու ժողովրդի կենսքով և որոնք կը ցանկանան իրենց ժամանակի մի փոքր մասը նւիրել մեր ձեռնարկած գործին:

Մենք որոշ հիմքեր ունենք կարծելու, որ այս մեթոդով ու միջոցներով նոյնպէս կարող կը լինենք հասնել բաւարար հետեւանքների, եթէ միայն ուսումնասիրողները գիտակցեն, որ մասնագէտների հմտութիւնը նրանք կարող են փոխարինել միայն իրանց եռանդով ու աշխատասիրութեամբ:

Ահա մի քանի խորհուրդներ, որոնց հետեւելը, կարծում ենք, օգտակար կը լինի ներքևի ցուցակներում բերւած հարցերին բաւարար պատասխան առնելու համար:

ԳԻՒՂԵՐ ՈՒՍՈՒՄՆԱՍԻՐԵԼԻՍ

ա). Ամեն մի շրջանում աշխատելու է ընտրել տիպիկ գիւղեր՝ մի գիւղ ամեն մի 5—10—15 գիւղերից: Լեռնային բազմապիսի վայրերում մի գիւղ ուսումնասիրելիս ընտրելու է միջակ դիրք ունեցող գիւղերից մին, բայց աւելի լաւ է, բացի դրանից, ուսումնասիրել մի այլ գիւղի բարձր լեռնային դիրք ունեցող գիւղերից և 3-րդը ցած—դաշտային գիւղերից: Բազմացեղ շրջաններում աշխատելու է հայի գիւղի հետ համեմատութեան դնել ոչ հայ՝ թուրք, վրացի, ռուս, քուրդ և այլ գիւղերը: Եթէ շրջանում կան գիւղեր տարբեր հողատիրական—իրաւական դրութեամբ—պետական հողերի վրայ հաստատուած, բէգական, ժամանակաւոր պարտաւորեալ (նախկին ճորտական), կապալով հողի վրայ ապ-

րող և այլն,—համեմատելու է այդ գիւղերը միմիանց հետ, որպէս զի պարզեն հողատիրական զանազան ձևերից առաջացած տարբերութիւնները:

Ցանկալի է ընտրել այնպիսի գիւղեր, ուր բոլոր ապրողները միատեսակ հողատիրական պայմաններում են գտնուում, մի ազգից են և այլն, Բայց եթէ դա դժուար է և ուսումնասիրող գիւղում կան տարբեր—տարբեր կարգի գիւղացիներ, աւելի լաւ է ամեն մի կարգի գիւղացիների դրութիւնը պարզել զատ-զատ, առանձին-առանձին հարցաթերթերով:

բ) Ուսումնասիրող գիւղը գալուց առաջ ծանօթ է լինելու այն տեղեկութիւնների հետ, որոնք արդէն գոյութիւն ունեն գիւղի մասին: Գիւղ հասնելուց յետոյ նախ կազմելու է ընդհանուր գաղափար գիւղի կացութեան մասին: Շրջելու և դիտելու է գիւղը, սրահնրա միջոցաւ պարզելու է գիւղական տնտեսութեան այն կողմերը, որոնք նոր կամ շատ աղօտ են ուսումնասիրողի համար: Յետոյ արդէն դիմելու է տեղեկութիւններ ժողովելուն որոշ սխտեմով: Տեղեկութիւնները ժողովելու է ոչ թէ մի անձից, այլ մի քանի, որպէսզի մէկը ուղղէ միւսի սխալը, չափազանցութիւնները: Լաւ է, որպէսզի այդ անձերը լինեն գիւղում գոյութիւն ունեցող տարբեր-տարբեր թաղերից, զանազան թայֆայութիւններից, տարբեր կարողութիւն ունեցող խաւերից: Յամենայն դէպս պատասխան տուողները պէտք է վստահ լինեն առաջուց, որ ժողովող տեղեկութիւնները չեն ծառայեցելու չար մտքով, և դրանցից օգտւելու են զուտ գիտական տեսակէտով: Երբ որոշ հարցի գիւղացիք չեն կարող պատասխանել, կամ ակնբեկ կերպով նրանք ուզում են մթնեցնել հարցը, լաւ է հարցը բաց թողնել, մինչև որ կը յաջողի նրան բաւարար պատասխան ստանալ մի այլ անձից, նոյն իսկ այլ գիւղում:

գ) Քանի որ թէ մեր ուսումնասիրողների մեծամասնութիւնը փորձուած չէ և թէ հարցերին պատասխան տուող գիւղացիք իրենք շատ անգամ անկարող են ճիշտ պատասխան տալ մի քանի կարևոր հարցերի մասին, (անունդի, բերքի քանակի, ցանուղ հողերի տարածութեան և այլն և այլն), աւելի նպատակայարմար է՝ նախ քան գիւղը ուսումնասիրելը, կազմել նոյն գիւղի տիպիկ ընտանիքների բիւզջէները... Ճիշտ և լրիւ կազմած բիւզջէները կը լինեն ուսումնասիրողի համար որոշ ուղեցոյց գիւղի ընդհանուր վիճակին վերաբերեալ թւերը որոշելու համար:

դ) Տեղեկութիւններ ժողովելիս մտածելու է ոչ այնքան

քանակի, որքան որակի մասին: Մի գիւղի, մի ընտանիքի վերաբերեալ տեղեկութիւնները—բայց լրի՛ւ ու ճիշտ տեղեկութիւնները—աւելի արժէք ունեն, քան թէ հինգ գիւղի, հինգ ընտանիքների վերաբերեալ թւերը, ժողոված շտապ ու թերի կերպով: Ուստի, ցանկերում բերած բոլոր կէտերի մասին առաջարկելու է հարցեր: Սրա հետ միասին մոռանալու չէ երբէք, որ ներքեում բերած հարցերը անկարող են, ֆիզիքական անկարող՝ բաւարարութիւն տալ տնտեսական ճիւղերը շօշափող կեանքի բոլոր հարցերին: Ուսումնասիրողը ի՛նքը—ժամանակի ու տեղի պահանջի համեմատ—լրացնելու և զարգացնելու է միշտ նախագծի պակասը, մինչև որ նա համոզւած կլինի, որ ընդգրկել է իրականութիւնը իր ամբողջ մեծութեամբ, պարզել է տնտեսական կեանքի երևոյթները նիւթ չափով:

Հասկանալի է, կարծում ենք, որ յոյս չպիտի դնել յիշողութեան վրայ և կարևորութիւն ունեցող բոլոր տեղեկութիւնները նշանակելու է թղթի վերայ դեռ գիւղից չհեռացած:

ե). Մեծ կարևորութիւն ունի ո՛չ միայն զանազան գիւղերի մէջ ներկայումս գոյութիւն ունեցող տարբերութիւնները (պատճառների հետ միասին), այլ և այն, թէ ի՛նչ փոփոխութեան է ենթարկւում կեանքը ժամանակի ընթացքում: Բաւականալու չէ ցանկի մէջ նշանակւած հարցով՝ թէ «ինչ գրութիւն է եղել 10 տարի առաջ», այլ ձգտելու է պարզել այն փոփոխութիւնները, որոնք առաջ են գալիս ժամանակի ընթացքում առհասարակ. Միշտ օգտակար է հարցեր տալ, թէ ի՛նչ գրութիւն գոյութիւն ունէր աւելի հեռու անցեալում, օր. վերջին պատերազմի ժամանակ (77—78 թ.), ճորտութիւնը վերանալիս (65 թ.ին) և այլն:

Գալով ցանկերում բերւած հարցերին, առանձին-առանձին ուշադրութեան պէտք է առնել հետեւեալ նկատողութիւնները:

I. Աշխարհագրական դիրք: Գիւղի բարձրութիւնը պարզելու համար օգտակար է ունենալ զինւորական շտաբի 5 վերստական քարտէզից, ուր նշանակւած կայ շատ տեղերի բարձրութիւնը: Երկաթուղու կայարանները, որոնց բարձրութիւնը յայտնի է, նոյնպէս կարող են օժանդակ դեր կատարել:

II. Ազգաբնակչութիւն 1). «Ծուխ», «տուն», «ընտանիք» (կըրճատւած ծ. տ. ը.) ասելիս հասկանալու է իսկական՝ այսօր գոյութիւն ունեցող՝ այսպէս անւանեալ՝ «մատաղ ուտող» ընտանիքները, և ոչ 1886 «կամերալի» ժամանակ ցուցակագրւածները: Ազգաբնակչութեան անդամների թիւը նշանակելու է նիւթ, հաշւահա-

մարի հիման վրայ և ոչ ընտանիքների թւի համեմատ, քանի որ տարբեր գիւղեր ու ազգեր տալիս են անդամների տարբեր թիւ միջակ ընտանիքների համար, օրինակ՝ նահապետական հայ գիւղերը հաշոււմ են 7,5,—8,5 անդամ միջին թւով, տնտեսապէս զարգացած հայ գիւղերը միայն 6,—7. վրացի, թուրք ազգութիւնները ունենում են հայերից աւելի սակաւամարդ ընտանիքներ (6—7), ռուսները, գերմանացիները աւելի ևս (4,5—6 հոգի ընտանիքի վերայ):

2). «Ծնւած» և «վախճանւածներ» նշանակելիս՝ ժամանակ խնայելու համար, կարելի է տղաներին չբաժանել աղջիկներից, թէև բաժան-բաժան գրելը գերազասելի է: Վերջինս՝ (տղաների և աղջիկների զատ-զատ նշանակելը) համարեա անհրաժեշտ է մահմեդականների՝ մօտ, քանի որ անկիրթ մօլլաները հաշւի են առնում դիւսաւորապէս տղաներին...

3). Վերջին տասը (1905—1896) տարիներից զատ, եթէ հընարւաւոր է, եկեղեցական տօմարներից ծնւածների ու վախճանւածների մասին հաւաքել նիւթեր շատ աւելի երկար ժամանակի համար, օր վերջի 20—40—50 տարիների. այդ թւերը կլինէին անփոխարինելի՝ զանազան շրջաններում գոյութիւն ունեցող կենցաղավարական պայմանների նպաստաւոր կամ աննպաստ լինելու չափը պարզելու համար:

4). Երբ ազգաբնակչութեան աճման տեսակէտից այս կամ այն տարին խոշոր չափով տարբերւում է «միջակից» դէպի լաւը կամ գէպի վատը, այդ տարւայ գիմաց նշանակելու է տարբերութեան պատճառը՝ «լաւ բերք», «սով», «համաճարակ հիւանդութիւններ» և այլ պատճառներ, որոնք յայտնի են լինելու գիւղացիներին:

III. Լսաւորութիւն կրթութիւն, Գրագիտութեան չափը պարզելիս՝ յետ ընկած գիւղերում աւելի լաւ է հաշւել գրագէտների քիւր, առաջագէտ գիւղերում՝ ուր կրթւածները քառ են, կարելի է բաւականանալ և մօտաւոր տօկոսով (0/0—0/0 ով):

IV Հասարակական եւ բարոյականութեան չափի ու փոփոխութեան մասին որոշ գաղափար կարելի է ստանալ շինական դատարանների մատեաններից: Կանոնաւոր վարւած դէպքում վերջիններիս տեղեկութիւնները—երբ դասաւորուում ու բաժանուում են շրջանների (օր. վերջին հինգ և նախընթաց 5-ական տարիները)—կարող են հանդիսանալ օգտակար ու գնահատելի նիւթ շատ տեսակէտներից:

V. Հողատիրութիւն 1). Ժամանակաւոր պարտաւորեալ՝ այսինքն Թիֆլիսի ու Քութայիսի նահանգներէ նախկին ճորտերի մասին նշանակելու է նաև թէ ինչ չափ հող «ազատուելու» ժամանակ (1865-ին) նրանցից կտրուեց:

Նոյն գիւղում անհրաժեշտ է ծանօթանալ գիւղացիներին վերաբերեալ Уставная грамота-ների հետ:

2). Պետական գիւղերի ունեցած հողերի տարածութեան մասին տեղեկութիւններ կարելի է գտնել և՛ մի քանի պաշտօնական հրատարակութիւններում՝ ա) Материалы по изучению экономического быта государственных крестьянъ Закавказья, р). Сводъ данныхъ по землевладению въ 5-и губ. Закавказья, գ). Памятная книжка по Эрив. губ. за 1906 г. և այլն:

Առաջինը սրանցից՝ բացի փաստական տեղեկութիւններից պարունակում է և ուրիշ հետաքրքիր նիւթեր, որոնք վերաբերում են պետական հողերի վրայ ապրող գիւղացիներին, այսինքն գիւղացիների այն կարգին որոնցից կազմած է հողագործութեամբ պարապող հայերի ճնշող մեծամասնութիւնը:

3). Վարելահողերի ու խոտհարքների տարածութեան մասին շատ ճիշտ գաղափար տալիս են գիւղական «հողերի մատեանները», որոնց հիման վրայ գրւած է առհասարակ հարկերի բաժանումը: Այդ գրքերից օգտելու է անպատճառ, ստուգելով սակայն առաջուց ինչ չափ է ներկայացնում (գետեատինի հաշուով) տոմարում յիշատակւած «սոմարը», «խաւարը», «թոկը» և այլն.

4). Անտառները, արօտները անպէտք հողերը մեծ մասամբ խառն են լինում միմիանց հետ: Այդ կարգի հողերի տարածութիւնը նշանակելու է գատ-գատ «մօտաւորապէս», յենելով գիւղացիների կարծիքների վրայ:

5). Սաժէնի տեղ նշանակելու է գետեատինի տասերորդական մասեր, ղեկավարելով հետեւեալ ցանկով, որ ցոյց է տալիս, թէ քանի սաժէնը գետեատինի որ մասին է հաւասար:

սաժէն գետ.	սաժէն գետ.
0 — 119 = 0,0	1320 — 1559 = 0,6
120 — 359 = 0,1	1560 — 1799 = 0,7
360 — 599 = 0,2	1800 — 2039 = 0,8
600 — 839 = 0,3	2040 — 2279 = 0,9
840 — 1079 = 0,4	2280 — 2400 = 1,0
1080 — 1319 = 0,5	

Հողերի տարածութիւնները նշանակելու է պաշտօնական

գետեատինով՝ որ ունի 2400 քառ. սաժէն (80×30, 60×40, կամ 24×100 սաժէն և այլն). եթէ դա շատ դժւար է թւերը կարելի է գրել և տեղի սովորական հաշուով, նշանակելով անպատճառ թէ ինչի է հաւասար տեղական չափը՝ խաւարը «թոկը», օրավարձը: Յիշելու է որ վերջիններս տարբերում են ոչ միայն գանազան գիւղերում, այլ և միևնոյն գիւղի գանազան հանդերձ. դաշտի գութանի օրավարը, որ հաւասար է լինում 1600—1800 սաժէնի արիւր 1000—600 ի և այլն:

6). Հողաբաժնի տարածութեան վերաբերեալ հարցում կայ երկու հիմնական կէտ՝ «հողաբաժիններ հիմայ» և «հողաբաժ. 10 տ. առաջ»: Վերջինս պարզելու համար՝ կամ վերցնելու է հին պաշտօնական տեղեկութիւնները (պլանների կամ 1886 թ.ի հետազօտութիւնների), կամ գիւղացիներին առաջուց մաս-մաս հարցեր է տալու. — «Բանի գետեատինով աւելացել է վերջին 10 տ. ընթացքում տանտեղերը», կամ «բանջարանոցները», «վարելահողերը» և այլն, որոնց աւելացումով բնականաբար պակասում է հողերի այն մասերի տարածութիւնները, որոնցից առաջինները վերցնում են:

VI. Հողի ձեռքից ձեռք անցնելը 1). Եթէ գիւղացիների հողերի մեծ մասը կապալառուական է, յիշել պայմանագրի բոլոր կարեւոր կէտերը առանձին թղթի վրայ, որը և կցել հետազօտութեան:

2). Հողերը կապալով տալու և վաճառելու դէպքում՝ շատ կարեւոր է պարզել, թէ գիւղացիների ո՞ր մասը, արդեօք, այդ իր հողերը յանձնել է ուրիշին կարիքից, և ո՞ր մասը այն պատճառաւ, որ հողի տէրը ունի աւելի արդիւնաւէտ աշխատանք (արհեստ և այլն) և ինքր չի ուզում պարապել հողագործութեամբ:

VII. Հողագործութեան տեսիլկային ծանօթանալու ամենալաւ եղանակն է յանրամասն գրել, թէ այսինչ մշակութեան համար երբ և ի՞նչ աշխատանքներ են կատարում և վերջը հաշուել թէ որքան ծախս է պահանջում այդ բերքը և որքան եկամուտ տալիս: Զուգընթացաբար կարելի է իմանալ թէ ի՞նչ փոփոխութիւններ են առաջ եկել ժամանակի ընթացքում աշխատանքի այս կամ այն ճիւղում:

VIII. Ուղղման ժամանակ կամ բան, կամ «բաշ». ջուրը կոչւում է ջրի այն քանակութիւնը որը բռնում է մի բանի տարածութիւն և որով հարթ տարածութեան վրայ կարելի է ազատ ջրել հողերը: Աւելի ճիշտ «բանը» հաւասար է մի լիտր (մի խորանոցի մէտրի $\frac{1}{10.000}$) ջրին, որ հոսում է մի վայրկեանի ընթացքում:

IX. Յանգսի և Եբրեյ:

1. Յանգսի և հնձի ժամանակ նշանակելիս ի նկատի է ունենալու այդ աշխատանքների սկիզբը, որը և նշանակելու է ամիսների անւան տեղ համապատասխան լատինական թուերով՝ օր. պարիլի սկիզբ գրելու տեղ—սկ. IV; Յուլիսի կէսի տեղ՝ 15 VII և այլն—

2. Այն վայրերում, ուր ցանքսի ու բերքի չափը հաշուում են սովորաբար քաշով (խալարով, սոմարով և այլն), ընդհանուր հաշվետու թիւնը ևս կարելի է անել այդ ձևով համապատասխան կերպով հարկաւ և ցանկի վերնագրերը:

3. Բերքի քանակը (թէ մի դեստինից, թէ ընդհանուր քանակը) վերաբերում է միջակ տարուն (և ոչ լաւ կամ վատ տարիներին): Սա չի վերաբերում ի հարկէ «մի դեստինից ստացող ամենաբարձր բերքի» քանակին, որը վերաբերում է բացառիկ յաջողակ տարուն:

4. Միջակ սնունդի չափը, բերքի ընդհանուր քանակի վերաբերեալ թւերը, ինչպէս և արժէքը, հետազոտողը նշանակելու է տանը և ոչ գիւղացիների ներկայութեամբ. շատ տարբերում է թէ զանազան ազգերի համար, թէ այլ հարստութիւն ունեցող ընտանիքների, թէ տարւայ զանազան եղանակների համար: Հողագործները սպառում են 15-ից մինչև 24 և աւելի փութ անձի վերայ թափառականները 1—12 փ, աղքատ հայերը 12—15 փ, ունևորները միջև 25—30 և այլն...

X, XI, XII, XIII, XIV 1. Գլուխներում խառը կերպով յիշած տեսակների գրած տարածութիւնը լաւ է որոշել սոկոսներով, կամ տասի մասով, որ կը նշանակէ թէ այսինչ տեսակը բռնում է ընդհանուր տարածութեան այսինչ (0,2, կամ 20%) մասը:

2. Ամենակարևորը ի հարկէ այդ ճիւղերի տւած միջակ տարուայ ընդհանուր եկամուտն է թէ քանակով, թէ արժէքով, որը կարելի է պարզել առանց մեծ զժարութեան, ձեռքի տակ ունենալով մի քանի տարբեր կացութիւն ունեցող ընտանիքների հաշվեկեր...

3. Եթէ ուսումնասիրող վայրում այդ ճիւղերից ամէն մէկը ունի կարելու նշանակութիւն, ուսումնասիրողը կանգ է առնելու այդ ճիւղի վերայ մանրամասն կերպով, նկարագրելով թէ այս ճիւղի տեխնիքան և թէ պահանջած աշխատանքն ու տւած եկամուտը:

XV Արօսների—խոս-հարբների քանակն ու որակը որոշում է կողմնակի կերպով (յարդի հետ միասին) թէ ինչքան անասուն

կարելի է պահել այդ հողերի վերայ: Թէև խոտհարքներն ու արօսները շատ ու շատ տարբերութիւն ունեն միմիանցից և ոչ մանրագէտին դժւար է մտնել այդ հաշիւների մէջ, յամենայն դէպս աւելորդ է յիշել այստեղ, ինչքան է հաշուում խոտի բերքը մի դեստինից:

Ջրովի, ցանովի, պարարտեցւած խոտ հարքներից՝	300—400 փութ.
Ջրովի, բացցող ցանովի ու ոչ պարարտացւած . . .	200—300»
Ոչ ջրովի, ցանովի միջակ խոտ հարքներից	150—200»
Ոչ ջրովի բնական » »	100—150»
Արօսներից միջակ	50—100»
Յարդ՝ մի դեստին միջակ բերքից	70—90»

Սրա հետ միասին ի նկատի ունենալով: իր տարւայ ընթացում միջակ մեծատաւարի վերայ հաշվելու է մօտ 150 փութ կեր (որից մօտ կէսը կանաչ, կէսը չոր), որ միջակ մեծատաւարը հաւասար է 5 ոչխարի ու այծի, 2½ խոզի, 1 ձի, էջ, ջրու,—կարելի է մօտաւոր գաղափար կազմել թէ որչափ բաւարար սնունդ ունի այս կամ այն գիւղը իր սնուցած անասունների համար:

XVI. Եթէ ոչ ամեն մի ուսումնասիրող գիւղում, գոնէ ամեն մի շրջանում և ամեն մի ուսումնասիրողի հարկաւոր է կազմել անասնապահութեան գլխաւոր ճիւղին վերաբերեալ մի հաշիւ, որից պարզէր թէ ի՞նչ ծախս են պահանջում այդ անասունները և ի՞նչ տեսակի և ինչքան եկամուտ բերում: Նայած անասունին հաշիւը անելու է կամ մէկի վերայ (կով, գոմէշ), կամ հարիւրի (ոչխար, խոզ և այլն)...

XVII. Գրում աւխաւորների մասին որոշ գաղափար կարելի է կազմել շինական վարչութիւնից վերցւած անցագրերի ցանկից, որը տարիների ընթացքում ենթակայ է փոփոխութեան: Գերադասելի է օգտուել 10—15 տարւայ տեղեկութիւններից: Այն գիւղերում, ուր զբոսի աշխատանքները խաղում են խոշոր գեր, դրանց վերայ կանգ է առնելու մանրամասն կերպով, գետեղելով այդ տեղեկութիւնները առանձին թերթի վերայ: Հետեւելու է ներան, թէ ի՞նչ չափով կեղեքում են աշխատաւորները, ի՞նչ միջոցով կարելի է վերջ դնել այդ կեղեքման և սրչափ կազմակերպւած են գիւղական բանւորները:

XVIII. Արհեստներից մանրամասն նկարագրել այն ճիւղը, որը բնորոշ է այս վայրի համար, իսկ միւս վայրերում խաղում է երկրորդական դեր:

XIX. Տնայնագործութեան ճիւղերից ստացած եկամուտը բա-

ժանելու է երկու մասի՝ այն մասը որ ստացուում է դրամով (վաճառելով մթերքները) և նա որը գործ է ածուում տան պէտքերի վերայ:

Մանրամասը կանգ առնել ընտրող տիպիք ճիւղերի վերայ:

XX Պարտքերի քանակի, և մանաւանդ ձեերի մասին որոշ գաղտփար կարելի է կազմել շինական դատաւորների արձանագրութիւններից: Մոռանալու չէ սակայն, որ վախենալով հալածանքից տոկոսի չափը շատ անգամ կեղծ է նշանակուում:

Արձանագրել վաշխառութեան օրինակներ:

XXI. Կարողութեան ասիւնաններ Այն գիւղերում, ուր հողաբաժանումը կամ հարկարաժանումը համիաշարեքի վերայ է, ժամանակ առ ժամանակ գիւղերում կատարող ընտանիքների դասաւորումը տալիս է որոշ գաղտփար գիւղերում առաջ եկող հարստութեան «կենտրոնացման» կամ ապակենտրոնացման: Միւս գիւղերում բաւարար պատասխան կարելի է առնել միայն հմուտ և գիւղական կեանքը դիտող անձերից:

XXII—XXIII Հասարակական եկամուսներ եւ սուրբեր նշանակելու է ոչ միայն պաշտօնական (գրագիրների տւած) տեղեկութիւնների հիման վերայ, այլ և հարց ու փորձից: Կամ «մզսարաֆներ» (մանր ոչ պաշտօնական ծախքեր պաշտօնեաների «հիւրասիրելու» համար և այլն) որոնք բաւականին շօշափելի դեր են խաղում: Ուշադրութիւն է դարձնելու մանաւանդ «ոչ արդիւնաւէտ» ծախքերի վերայ:

XXIV. Հաւաքական—ընկերական ձեռնարկների մասին խօսելիս. ի նկատի է առնելու այն հանգամանքը, որ դրանցից մի մասը խոր արմատ է ձգած ժողովրդի մէջ իբրև մնացորդ կամ աղաւաղւած հետք անցած կօմունական—հաւաքական կեանքի:

2. Այն համագործակցութիւնների մէջ (օր. գութանի կազմի) ուր կայ և կապիտալ և աշխատանք: Հետաքրքիր է պարզել արդեօք դրանք երկուքն էլ միացած կերպով են վարձատրուում:

3. Կանգ է առնելու գլխաւորապէս այն տեսակ ընկերական ձեռնարկների վերայ, որոնք և ձեռնտու ու օգտակար են տնտեսական տեսակէտից և իրագործելի են գիւղացի հասարակութեան զարգացման ներկայ շրջանում, ի նկատի ունենալով գիւղում ապրող ձեռնհաս ու վստահութիւն վայելող վարիչ անձնաւորութիւնները...

XXV. Այլ եւ այլ նկատողութիւնների մէջ մտցնելու է այն ամենը, ինչոր չի մտած վերևում, բայց որը լուսաբանում, կամ լրացնում է գիւղացու տնտեսական կեանքը:

Չերևում բերած խորհուրդները թէև ունին ընդհանուր գոյն, բայց վերաբերում են գլխաւորապէս գիւղերի հարցացուցակին:

Ընտանիքներ ուսումնասիրելիս բացի վերի յիշած խորհուրդները ի նկատի է ունենալու. նաև հետեւալ նկատողութիւնները:

ա. Ընտանիքների ուսումնասիրութեան ամենանպատակալարմար միջոցը այդ ընտանիքների բիւզճեներ կազմելն է: Բիւզճէն կազմելիս ամենամանրամասն հաշւի է առնուում ոչ միայն ընտանիքի աճրող ռենցած-չ'ունեցածը, այլ և տարւայ ընթացքում նրա ստացած ամբողջ մուտքը և ունեցած ամբողջ ելքը, թէ մընրա ստացած ամբողջ մուտքը և ունեցած ամբողջ ելքը, թէ մըթեքըով, թէ դրամով: Տարին սկսել կարելի է գիւղացիների համար ամեն մի որոշ օրից, ու է ահնայտնի տօնից: Բայց աւելի լաւ է հաշւի սկիզբը ընդունել մի մեռած շրջան՝ աշնան վերջը, գարնան սկիզբը. նոր տարին:

բ. Ուսումնասիրող ընտանիքները լինելու են սիպիկ, այսինքն այդ ընտանիքները գաղափար են տալու տեղի տնտեսութեան ամենատարածւած ու ամենակարևոր ճիւղերի մասին. հողագործական շրջանում այդ ընտանիքը լինելու է պարապող գլխաւորապէս հողագործութեամբ, անասնապահական շրջանում—գլխաւորապէս անասնապահութեամբ, խառը տնտեսութիւն ունեցող գիւղերում ընտանիքի տնտեսութիւնը ևս ունենալու է խառը գոյն:

Երբ գիւղում կազմուում միայն մի ընտանիքի բիւզճէ, այդ ընտանիքը լինելու է տիպիկ միջակ ընտանիք. միջակ իր անդամների թւով, միջակ իր կարողութեամբ, ստացող եկամուտով, միջակ իր կարողութեամբ, ստացող եկամուտով, այսինքն լինելու է մի ընտանիք, որ սահմանափակ չափով է օգտուում վարձուող աշխատաւորներից և ինքն էլ ծանրաբեռնւած չէ խոշոր պարտքով, հարկադրւած չէ զրոտւում երկար աշխատել:

Երբ կայ հարաւորութիւն իսկ խոշոր գիւղերում, դա համարեալ անհրաժեշտութիւն է—ցանկալի է միջակ ընտանիքից շատ ուսումնասիրել նաև այլ կարգի ընտանիքներ, չքաւոր, ունեւոր, արհեստով պարապող և այլն:

գ. Ընդհանուր կարողութեան ցանկը կազմելիս—ժամանակը խնայելու համար—լաւ է միաժամանակ նշանակել և այդ ճիւղի վերայ տարւայ ընթացքում ունեցած ծախսը, ուղղակի հարց չի վերայ տարւայ ընթացքում ունեցած ծախսը, ուղղակի հարց չի տալով «ինչքան է ծախսւած տարւայ ընթացքում այս ինչ իրի գնման ու նորոգելու համար», յիշեցնելով այսպիսով հարստութեան ամեն մի ճիւղի մասին գոյութիւն ունեցող փաստերը:

դ. Եկամուտը և ծախքը նշանակւած է մթերով, այսինքն այնպէս, ինչպէս այդ եկամուտը ստացուում է իրականութեան մէջ

Վ Ր Ի Պ Ա Կ Ն Ե Ր

և դրամով, այսինքն մթերքի այն մասով, որը վաճառուում և դրամի է վերածուում: Հսկելու է, որպէս զի դրամով ստացւած եկամուտը դուրս հանւի մթերքով ստացւած եկամուտից և որպէս զի այդ երկու ձևի մուտքերը կազմեն ընդհանուր մուտքի իսկական գումարը:

ե. Մարդիկ առհասարակ և մանաւանդ միշտ կեղեքւած զիւր զացիք տրամադիր են աւելի յիշելու իրենց ծախքերը, քան թէ եկամուտները. այդ պատճառով հաշւելով նախ ծախքերի գումարները (թէ մթերքով, թէ դրամով) անպատճառ գտնելու է և նրանց համապատասխան եկամուտի աղբիւրներ (մթերքով և դրամով): Հաշւեկշեռը (բալանսը) չը կաղմեւելու զէպքում իրենք զիւրացիք հրաւիրւելու են օգնութեան և (ցանկացած դէպքում) անպայման կը գտնեն վերուում թոյլ տւած իսկականից բարձր ծախքերը կամ իսկականից ցած եկամուտները:

զ. Յամենայն դէպս ի նկատի է ունեցւելու, միշտ, որ տարւայ եկամուտները ու ծախքերը կարող են միմիանց չը համապատասխանել նախ այն պատճառով որ հաշի առնուող տարին հաւանական է որ միջակ տարի չը լինի, հետևապէս կամ մուտքը կլինի բարձր կամ ծախքը: Բայց, այն իսկական միջակ տարին հաշւեկշռի սխալներ կարող են առաջ գալ այն ընկան պատճառով որ զիւրաանտեսութեան մէջ որևէ կատարած աշխատանք (ծախս) անդրադառնում է ոչ միայն նոյն տարւայ եկամուտի, այլ և եկող և նոյն իսկ հինգերորդ տարիներին:...

Յամենայն դէպս, եթէ լուրջ կերպով աշխատւի, ելքի ու մուտքի իսկական հաշւեկշեռը կը կազմւի առանց խոշոր դժուարութիւնների:

Ի վերջոյ, աւելորդ չէ յիշեցնել հետաքրքրողներին, որ այս նախագիծն ու հարցացուցակները կազմելիս հեղինակը օգտուել է ա) Մոսկուայի և Տաւրիկեան նահանգական զեմստիօների ծրագրից: բ) Ս. Վելեցկու «земская статистика» հեղինակութիւնից: գ) պ. էյրանեանի կազմած մի ձեռագրից. ե) Կովկասի տնայնագործական կոմիտէտի տպագրած բիւզջէի բլանկից և ե) Ս. Չաւարեանի ունեցած մի քանի նախագծերից: Աւելի մանրամասն բացատրութիւններ ցանկացողները կարող են դիմել վերուում յիշուած աղբիւրներին:

Թէ նախագծին և թէ հարցացուցակներին վերադրեալ ամեն տեսակ նկատողութիւններ կընդունեն շնորհակալութեամբ:

Ժողովուրդ նիւթերը ամփոփելու, դասաւորելու և որոշ կգրակացութիւնների հասնելու համար, հետազոտողներից խոնարհաբար խնդրում է զրւած հարցերին պատասխաններ նշանակելուց յետոյ հարցացուցակները (կամ նրանց լրիւ պատճէները) ուղարկել Թիֆլիս պ. Սիմէոն Չաւարեանի հասցէին: Ժողովուած նիւթերից որևէ աշխատութիւն տպագրելու զէպքում, աշխատակից ընկերները չեն մոռացւի և կստանան մի-մի օրինակ:

Ս. Չաւարեանց.

13343

Երես	Մուտք	Տպագրւած է.	պէտք է լինի
4	3	վեր. տետրակով	տետրակներով
6	10	» գիւղերում կամ կարճ	գիւղերում ապրող, կամ
8	7	» ֆիզիքական	ֆիզիքապէս
9	12	» դատ-շատ	դատ-դատ
11	8	» արխը 1000-600	սարխը 1000-600
11	11	ներք. այս ինչ մշակութեան	այս ինչ բիւրքի մշակութեան
11	5	» Ժամանակ կամ բան	Ժամանակ բան, կամ
12	2	վեր. հնձի Ժամանակ	հնձի Ժամանակը
12	10	» կերպով հարկաւ	կերպով փոխելով, հարկաւ
12	16-18	» . . . բիւրքի ընդհանուր քանակի վերաբերեալ թւերը, ինչպէս և արժէքը, հետագոտող նշանակելու է տասը և ոչ զիւրացիների ներկայութեամբ	ամբողջութեամբ տեղափոխելու է IX գլխի վերջը
12	17	ներք. 1--12 փ.	10--12 փ.
»	16	» ունեորները միջև	ունեորները մինչև
13	7	վեր. բայց ցող ցանովի	բայց ոչ ցանովի
14	13	» ապակենտրոնացման	ապակենտրոնացման մասին
»	18	» կամ մզսարաֆներ	կան մասրաֆներ
»	10	ներք. աշխատանք, շետաքրքիր է	աշխատանք, հետաքրքիր է
»	9	» երկուքն էլ միացած	երկուքն էլ միատեսակ
»	8	» ձեռարկների վերայ	ձեռարկների վերայ
15	10	» շատ ուսումնասիրել	զատ ուսումնասիրել
16	15	վեր. նկատի է ունեցւելու	նկատի է ունենալու
»	19	» բայց, այն իսկական	բայց նոյնիսկ իսկական
»	18	ներք. աւելորդ չէ յիշեցնել	աւելորդ չէ յիշել
»	9	» ցուցակներին վերագրեալ	ցուցակներին վերագրեալ
»	5	» խնդրում է	խնդր.

«Ազգային գրադարան»

 NL0124062

14716

